

فائزہ مخصوصہ

درسعادتدہ باب عالی جوارندہ

محل ادارہ :

میراث القیم

۱۳۲۶

اخطار :

مسکمزہ موافق آثار جدیدہ مع المنویہ
قبول اورانور

درج ایڈیٹین آثار اعادہ اورانور

دینہ، فلسفہ، علوم، حقوق، ادبیات و سیاسیات و بالخاصہ کرب سیاسی و کرب اجتماعی و مدنی احوال و مشورہ اسلامیہ و بحث ایمر و فقہ و رہبر نشر انور.

آبونہ بدلی

سنہ لکی

القی آیلنی

ممالک عثمانیہ ایچون	۸۰	۴۰	غروش
روسیہ	۶۰۵	۳۰۵	روبلہ
سائر ممالک اجنبیہ	۱۷	۹	فرانق

صاحب و مؤسساری :

ابوالعلا زین العابدین - ح . اشرف ادیب

تاریخ تاسیسی

۱۰ تموز ۳۲۴

درسعادتدہ نسخہ سی ۵۰ پارہ در

قیرلہ دن مقوا بودو ایله گوندریلیرسه سنوی

۲۰ غروش فضلہ آلنیر

دولتمز طرفندن تونسہ بخش اولنان فرمان اقتضاسنجه والی تحدید حدوده دائر مقاوله عقدینه مأذون اولدیغندن وهله شو قرار دولتمز جه فرمانك لهمزه اولان بر حکمنی اسقاط و طولایسیله استناد ایتکده اولدیغمز اساسك طرفزدن نقضنی انتاج ایدر بر حال شککنده تلقی اولنه بیلیرسه ده فرمانده کی اوقیدك متبوع ایله تابع آرسنده داخلی امورده اتخاذ اولنان بوقیل تدابیر حدودیه به شمولی اولیوب تونس بکنك استقلال خارجی به تعلق ایدن حکومت اجنبیه ایله معاهده عقدینه مصروف بولمسنندن ناشی شو حرکت مزله فرمانك حکمنه قطعاً خلل طاری اوله میه جنسندن حوادتك صحیحی حالتده قاینه مز بالنتیجه احراز موفقیت ایتش دیمکدر .

بجرائلی بر صروده پک چوق کشمکش غوائل آرسنده بوقدر جق اولسون بر موفقیت تأمینیه مستلزم شکراندر .

معلومدر که تونس دولت علیه عثمانیه به تابع بر ایالت اسلامیهدر . معهود جزائر بکی حسین دایینك توقادی مسئله سنندن تولد ایدن جزائر فلاکتندن صوکره دولت آفریقاده کی حقوقی بر قات دها محافظه به ساعی اوله رق تونس و طرابلس غربیه عسکر و پولتیقه مأموری اولق اوزره رستم پاشایی کوندرمش وقول اوغلی نامنده کی اداره محلیه بی قالدیرمش ایدی . حتی طرابلس غربیه ولایت تشکیلاتی بوسره لرده یاپلشدر . کوستردیکمز شودقت و تیقظ اول زمانلر دخی تونسک استقلالندن بحث ایتکده اولان فرانسه حکومتك اشتمزازینی موجب اولمش و فقط تونسک دولته اولان روابطی انکار اولنه ماز درجه ده ظاهر و عیان اولدیغندن و دولتک محارباتده تونسدن عسکر بیله آلمقده اولدینی جمله جه مشهود بولدیغندن شو اشتمزاز بر شکل مادی اعتراض اکتسا ایدماملشدر . مع مافیه فرانسه حکومتنده کوریان بو غریب حالت روحیه حکومتک بر قات دها مسئله به نظر دقتنی جلب ایتش و مستقبلاً هر درلو سوء تفهمه محل قالمق اوزره تونس بکی صادق پاشایه بر مأموریت فرمانی کوندرملشدر که بوفرمانده :

۱ — والیلتک وراثت اساسی قبول اولنق صورتیه صادق پاشانك عهده سننده بر اقلدینی وحل و وقوعنده وارث اکبرک وزارت و مشیریت پایه سیله مقام ولایتیه نصب اولنه جنی .

۲ — خطبه و سکه نك نام هایونه اوله جنی .

۳ — سنجانك رنگ و شککنده قاله جنی .

۴ — تونسک محارباتده کماکان دولته معاونت وظیفه سیله مکلف بولنه جنی .

۵ — روابط موجوده آتیا دخی معتبر طوتیه جنی .

صراحتلری موجود اولدینی کبی امارتک من القدیم ویرمکده اولدینی ویرکونك عفونی و والی نك عزل و نصب مأمورین و حکامه و اجرای عدالتیه صلاحیتی و مواد سیاسی و حربیه و تغیر حدوددن ماعدا احوالده دول اجنبیه ایله مقاوله عقدینه ده مأذونیتی محتوی بولمقده در . دولت تونسده کی وضعیتی شو صورتله تعیین ایدنجه فرانسه حکومتی ارتق خشنود سنزانی کتمه لزوم کور میهرک فرمانك تونسده قرائتنه

مانع اولمغه قالمش و فرمانی ایصاله مأمور حیدر افندی مرحومک — ویانه سفیری — قریه چیقمننی منع ایلشدر . بز بو مانعته او زمانده آلدیرمامش انکتره نك معاوتیه قریه چیقاراق فرمانی اوقوتتمغه موفق اولمش ایدک . فقط صوکرادن سیاست حکومته عارض اولان تدبیردن طولایی فرانسه حکومتی میدانی کنیش بولهرق تونسلیله حدندن فضله اقرضاتده بولمش و نهایت مصرده اولدینی کبی بورجرارک تکثری طولایسیله اقتصاداً تونسه تخطی به موفق اولشدر . ایدی حاصل اولان شو موفقیتدن صوکره فرانسه حکومتی ایچون یاییله جق شیء فعلاً مداخله اسبابی احضاردن عبارت قالیوردی . جمله مزله بوفرستی دخی رقبایه تأمینده کچیکمه دک . وطنمزده بالدفعات مشاهده اولدینی کبی ینه بر جاهل عشیرت بکی طاشقنلقر کوسترمکه باشلامش و در حال فرانسه حکومتی بو عشیرت بکنك کویا جزائر اولان تسلطانی منع بهانه سیله تونس اراضیسنده تعقیب اشیا به قویلشدر .

بز مسئله بی ا کلامق داعیه سننده ایکن فرانسه حکومتی والی بی صیق بوغاز ایتک صورتیه بارده مقاوله سنی عقد ایتدیر بیور . و کویا بو مقاوله ایله تونس ایالت عثمانیه سی فرانسه حکومتک حمایه سنی قبول ایتش اولیوردی . بز بویله بر نتیجه بی طبعیدر که قبول ایدمزدک . بر معتاد غصب واقعدن طولایی سیاسی و اویلا لرده بولندق . پروتستولر ایتدک . تونس بکی حقوق دول نظر نده عقدینه مأذون اولدینی بر شییء قبول ایتشدر بناء علیه کآن لم یکندر دیدک . فقط افسوس قوتک تحت تأییدنده بولمیان بوقیل اعتراضات حقوق دول علماسی محیطندن بشقه بر معکس بوله مامش و نظریات علمیه و مدونات حقوقیه نك بزم ایله برابر اولسنه و بیابیلان حقسنزلک تأویل قبول ایتمز صورتده جلی و آشکار بولمسنه رغماً قوتمزک فقدانی باشمزده عبدالحمید بلای مبرمنک بولمنی حسیله حرکات و معاملات غصیه طور دیر یله ماملشدر . نهایت دور استبداد مسائل سائرده اولدینی کبی بو مسئله بی ده علاوه ایلدیکی کور دو کومرله مشروطیته دور ایله مشدره .

مع مافیه عبدالحمیدک دور منحو سننده ده فرانسه نك بوراده کی تونسلیله اوزرنده حق حمایه سی قبول اولنماش و حتی شمیدیکی تونس والیسنک فرانسه بی زیارتنده مراسم مقتضیه سفیریمزک دلالتیله وقوع بولهرق یکیدن برسوء مثال تشکیکنه میدان ویرلما مشدر . شمیدی فرانسه حکومتی موجودیتندن بحث ایتدیکمز کور دو کوملری چوزمکن ایسه بسبتون قطعنی ایسته مکده قاینه مزده چوزمکه ساعی بولمقده در . حکومتک مسلك خارجیسی حقنده قریباً اجراسی متواتر استیضاحه جواباً احتمالکه صدر اعظم پاشا حضرتلری صدره شفا ویریر معلومات ایله مسئله بی انظار عمومی به وضع بیوریرلر .

دور عالم

هندستانی تکمیل جولان ایتدکن صوکره حجاز مغفرت طرازه ، هندستان حاجیلریله برابر عزیمت ایلدک . هندستانده کی پیسلکک ندرجه ده اولدینی مقدمه یازمشدم . هندستان حاجیلری حقنده ویره جکم

کانون اول ۶ ده والی ولایت محمد امین بک جنابلی بڑا اعادہ زیارت ایتدی و بوکوندن اعتباراً بن حرم شریفده وعظہ چیقوب ترکی و عربی لسانلرنده خطبه لر او قومغه باشلام، هر کون بعدالظہر خطبه لر من دوام ایتدی. حاضرین ایکی اوچ بیکی متجاوز ایدی. امراء و ضابطان ده کلیورلردی .

بوسنه حجاز مغنرت طراز عموماً امن و راحتده در . غرایبندن اولمق اوزره برنجی دفعه اوله رق ، ژاپونیه لی مسلمان عمر افندی (یاما اوقه) رفیقم جنابلی حول کعبه ده طواف ایدہ رک اداء حج شرفنده نائل اولدی .

عمر افندی (یاما اوقه) هان اوتوز یاشی اکیال ایتیش برکنج در: انکلز ، روس ، چین ، قوره لسانلرنده مکمل مهارتی اولدقدن ماعدا، فرانسز ، نمسه لسانلرنده دخی بر آرز تکلم ایدر، وظیفه رسمیه سی ده ژاپونیا پای تختی اولان توکیو دارالفنون مکتبندہ لسان اجنبی معلم ایدر .

دیمک عمر افندی برنجی ژاپونیا لی حاجیدر .

ایکنجی مکتوب

مکه مکرمه ده بوسنه صحت عمومیه بر کمال اولوب ، دکل امراض ساریه ، حتی عادی نزله کی خسته لقلر بیله یوقدر . مع مافیه احتیاطاً بش کون قرانتینه تعیین اولمشدر .

حاجی لر قرانتینه یه هیچ راضی دکلر ، هر طرفده خصوصاً هندستان حاجی لری چوق شکایت ایتمکده درلر . مع مافیه بوانفعالات یالکز سوزده اولوب ، اونه طرفه کچه میور . قبل العرفات شکایتنامه لر یازمق فکری دولاشیوردی . عرفاتدن ایندیکی کی هان هر شی اونوتولدی ، بعضی لر جده یه و بعضی لر یزده مدینه یه عزیمت تدارکنده بولنه رق نفسی نفسی اولدی کیتدی . شکایت نامه لری ترتیب ایدہ جک آدم لر اولدینی کی آرقاسندن تعقیب ایدہ جک آدم لره چیقمادی . قرانتینه حقدہ کی حاجی لرک شکایتلری اصل قرانتینه حقدہ دکل ، بلکہ قرانتینه بهانه سیله یا بقمده اولان تجاوزات و تحقیراته قارشی در .

قانون صحیه محدود اولیوب عموماً بلا استثنا هر کسه شامل اولمیدر . بر یرده خسته لق اولورسه ، قرانتنده هر کس ایچسون علی السویه تعیین اولملی . حالبوکه هندستاندن آقین آقین کلوب کیتمکده اولان واپورلر آراسنده حاجی واپورندن ماعدا هیچ بر واپورده قرانتینه تکلیف اولمیور . روسیه دن هر هفته استانبوله واپورلر کلیور . هیچ برینه استانبوله دخوله نمائنت اولمیدینی حالدہ حاجی لر واپورینه نمائنت اولمیور . بر موجب قانون بر ممالکت ده خسته لق اولورسه ، او ممالکتدن چقمش یولجیله بر کره قرانتینه مدتی تعیین لازم کلورکن ، پترسبورغده ، بومبای ده خسته لق اولدینی زمانده حاجی دن ماعدا یولجیله قرانتینه دکل تخیر بیله ایتمیورلر . حالبوکه حاجی لره ایکیشر قات قرانتینه تکلیف اولمیور: طورده ، بیرونده ، فیدوسیه [قریمده بر شہر در] ده قرانتینه اولمیور . ایشته حاجی لر شو حاللردن شکایت ایدیورلر .

معلوماتی صوکره یه تأخیر ایدرک شمدیلک شونی عرض ایدہ جکم : بینمش اولدیغمز واپور علی العاده ۱۴ میل سرعتله سیر ایدر واپور ایدی . دروننده بیک یوز الی قدر حاجی اولدینی حالدہ واپور اوزرنده لر او قدر واسع ایدیکه اوچنجی موقع ده بیله بر جوق لرلر آچیق ایدی . مع مافیه واپور مأمورلری هندستان خلقتک پیسلکندن او قدر قورقارلر مش که ، برنجی موقع قماره لر بیله اوچنجی موقع بیننده تفریساتجه هیچ بر فرق یوقدی . قماره لرک مفروشاتی کاملاً طویلانمش ایدی . بویله معامله یا بقمده معذور ایشلر . چونکه قماره لر حاجی لر طرفندن پیسلنمش ، هر یره ، حتی صالونلرہ قدر اودونلر طولدورلش و هر بر گوشه سندده منغاللر یاقلمش ، قارمه قاریشق بر حاله کلشدی . بزده نیچون برنجی قماره یه پاره ویردیکمزی بیله میهرک کلدک ، یالکز بزدرک ، اوتوز قدر برنجی قماره یولجیلرینک هپسندہ بو حال بہت وحیرت نمایان اولیوردی . بوندن ماعدا واپور طائفہ لری ، و خدمتجیلر نظرندہ دخی برنجی موقع یولجیسی ایله اوچنجی موقع یولجیسی آراسنده بر فرق یوق ایدی . هپسی عینی تحقیر آمیز معامله یه معروض بولنیورلردی . حتی ۳ نجی موقع یولجیلرینہ بیلنلرینہ بقہ رق نہ قدر صو ویرلر سہ ، برنجی قماره یولجیلرینہ عینی معامله ده بولنیورلردی . نه ایسه بوجہ تندن مساواته رعایت اولمیوردی . یالکز فینات اوچ قات . دیرکن باب مندبدن کیچہ رک قران تحفظخانه سینہ کلدک . بورادہ انکلز نیچہ سندن کچه جکمزی تصور ایتمکده ایدک، فقط بزم مطالعہ مزده خطا اولدی ، عثمانی تحفظخانه سی عثمانی دو قوتورلری و مأمورلری ایش . فوق العاده التفاتلرہ نائل اوله رق کمال استراحت ایله یدی کون وقت کچیردک، حتی ژاپونیا لی رفیقم عمر افندی (یاما اوقه) ده تحفظخانه نہنک انتظامندن متحیر قالدی .

انتظام و حاجی لره احترام حقیقه فوق العاده ایدی ، هله دو قوتورلری آراسنده دخی شکری عثمان ، فوآد ، وشکری محمد بکک غایت نازک ناموسلی وجدی آدم لر ایدی ، رشوت قابوسنی قطعاً قیامشدردی . حجاج مسلمین ایله قرانتینه موقعندہ مدت معلومه مزی کچیردکن صوکره کانون اولک برنجی کونی قراندن حرکت ایدہ رک ارض حجازہ توجه ایلدک ، ۳ کانون اولده جدہ مبارک یه کلہ رک ، بعض احبا ایله ملاقات دن صوکره صدیق قدیم و دوست حقیق میز اولان اسفندیار افندیکنک خانہ دولتلرنده بر آرز استراحت ایدرک علی العجلہ حاضرلنمش حیوانلرہ را کبسا مکه مکرمه یه عزیمت ایلدک . الحمدلله ثم الحمدلله ، کمال استراحت ایله ۴ کانون اولده طواف سعیلر منی بالتمام مولانا الشیخ محمد مراد افندی خانہ دولترینہ مهمان اولدق .

ایرتسی کونی علی الصباح جناب مولانا الشیخ عبدالله زواوی وسائر سادات مکہ دن برخیلی ذوات زیارت مزہ کلدیله ، بزده بر کون استراحت دن صوکره والی ولایت حجاز محمد امین بک جنابلرینی ، و امیر مکه مکرمه شریف حسین جنابلرینی زیارت ایتدک، ایرتسی کونی مصر القاهہ اوقاف ناظری احمد خیری پاشا جنابلریله خدیو دیوانی رئیس شفیق پاشا جنابلرینی زیارت ایتدک و بر جوق علماء مصر ایله ده کسب معارفه و مودت ایلدک .

بوسنه حجازده رحمت چوق . هر طرفده شدتلی یا غمورلر اولوب
امن و راحت ، برکت امیبد ایدلمکده در . بعض افراطجیلرک
غزته ستونلرنده والی وکیلی محمد امین بک ، و شریف حسین حقنده
روا کوردکاری بر طاقم تفوهاته رغماً عمومیتله حجاز احوالنده آثار
صلاح کورلمکده در : راتب شریف عون زماننده اوتوز بش مجیدیه لره
قدر چیقسان دوه اجر تتری شمده بردن بره ۱۸ مجیدیه ته تزیل
اولمشدر ؛ سولرک کثرتی ، سواقلرک نظافتی بشقه سنه لره قیاس
اولمیه جق بر حالده در ؛ مکه مکرمده منتظم صورتده مکاتب صبیان
آچلمش و حالاً آچلمقده در . عن قریب بدوی چوققلرینه مخصوص
مکتبلر آچیله جنی تحت قراره آلمش ، واسبابنه تشبث اولمشدر .
و بشقه جهتلردن دخی اصلاحاته باشلامقده اولدینی کورولور .
مدینه منوره دن کلکده اولان حاجی قافله سنده کی وقوعاتده مکه
شریفنک هیچ دخلی اولوب ، آنجق دلیلردن کاش بر قصور ،
یا خود تریبه سزلک اولدینی محققدر .

« قران : بیان الحق » عبدالرشید ابراهیم

آرناوردقمده صرف مسئله سی

و

حروف عربیه بک حکومتجه قبولی

رسمی قوصوه غزته سندن عیناً آلمشدر :

کچنده یازدیغیز بر مقاله ده حکومت مستبده زائله طرفندن جسارت
معنویه لری اولدیلوبرب مدنیتهک اوج بالای ترقیه صعود ایشدیک شوق زمان
ترقی نشانده کندیلری بروحشت مطلقه ایچنده یاشاندیلرک ایستیلن و فی الحقیقه
فکراً و معنأ تنور ایدنلری بیکده بر درجه سنده بیله بولنیان آرناوود قوم
نجیبی انقلاب مسعودی متعاقب شهراه مدنیته نه درجه کری قالمش اولدقلری
کوردک اکتساب معارفه فوق العاده اظهار خواهش ایتمش اولدقلری اوزون
اوزادی به یازلمشدی .

آنجق ایشک نره دن باشلاملی ایجاب ایده جکی جای تأمل اولدیغندن
اولا آرناوود لساننک جمع و تدوینی ایچون اجرای تشبثاته لزوم کورلمش و
آرناوود مبعوثانی ایله افکار منوره اصحابی ایکی به آریله رقی بر قسمی قرق الای
سنه اول شمس الدین سامی بک مرحوم کی بعض دهاته طرفندن لاتین حروفندن
بالاستعانه آرناوود لسانی ایچون اختراع ایدیلن لاتینجه یعنی اقوام غربیه لسانلری
کی صولدن صاغه طوغری یازیلان حروفی سهولت تعلیمندن ناشی ترجیح
وقبول ایتدکاری حالده دیکر قسمی عموم اقوام اسلامیه بک ، کندیلری نه
لسان ایله متکلم اولورسه اولسونلر امر تعلیم و تعلیمی حروف عربیه ایله اجرا
ایتدکاری و دیکر طرفجه ادعا ایدلریکی وجهله بویوزدن بنایه بران صعوبت
کورولسه بیله جامعه اسلامیت حیثیتله حروف عربیه بک آرناوود لساننک
تدوین و تعلیمی ایچون قبولی ضروری اولدینی نظریه سنی پیشگاه انظار بصیرته
قویمش و طرفینجه بوبانده ایراد ایدیلن ادله و شواهد افکار اهالی آردسنده
بک شدید جریانلر حصوله کتیرمشدی .

حال بوکه مناقشات ایله بیوده بره اضاعه اوقات ایدلمکده اولدینی
وسائر وطداشلر من شهراه ترقیده بلا تأخر قطع مراحل ایتدکاری انظار
دقیقه بینانی جلب ایتدیکندن بوبانده کی اختلافانک سریعاً ازاله سیله مکاتب
پروگراملرینک کندی قبول ایتمش اولدقلری حروف ایله ترتیبی ایچون هر
ایکی طرف مقام جلیل صدارته مراجعت ایتدکاری کی هرایکی نوع حروفله
وعلیه بنده هر طرفده متینلر عقد اولمغه و تلغرافلره مقاماته اشعاراته باشلامش
ایدی .

فی الحقیقه بوکشمکشلر اده سنده قیمتدار وقتلرک ضیاعی موجب تأسف
اولدیغندن معارف نظارتی ۲۳ کانون ثانی ۳۲۵ تاریخی بر تلغرافنامه سیله
آرناوود لساننده هر ایکی حروف ایله اثرلر تألیف و نشر ایدلمش اولوب
حروف الفبائییه لساننک برجستی بولدیغنه و بر لساننک تحریر کلماتی ایچون
قبول ایدلمش اولان حروفک استعمالی مجاز بولدیغنه بناء اصحاب لسان
تخیر ایدلمش ایسده ایش ینه سکونتیب اولامشدر .

چونکه طرفین کندی فکری قبول ایتدیرمک ایچون ادعایرنده و متینلر
عقدنده مصر بولنیوردی . شمده ایشی فصل ایده جک جهت ، اکثریتک
آرزو ایله جکی حروف اوزرنده تمرکز ایده جک ایدی که ایسته بو نتیجه ده
اخیراً حاصل اولدی . حکومتجه ده آرناوود لساننک حروف عربیه ایله
تعلیم ایدلمی قبول ایدلدی . معارف نظارتی شو تلغرافنامه سیله کیفیت
آرناوودلق والیرینه اشعار ایتمش ، ولایتز ایجاب ایدن محملره تبلیغات
لازمه اجرا ایشدر . تلغرافنامه صورتی شودر :

قوصوه ولایتنه

نومرو ۶۱۰۶۸

۲۳ کانون ثانی سنه ۳۲۵ تاریخی تلغرافنامه ده مکتبلرده آرناوودجه
تعلیمی ایچون استعمال ایدیله جک حروفک انتخابی حکومت اصحاب لساننک
اختیارینه ترک و بو خصوصده بی طرف بولمشدی . او وقتدن بری ولایتکزدن
واقع اولان اشعارات متوالیه دن حروف عربیه بک همان عمومیتله قبول اولدینی
واهالی همان کاملاً لاتین حروفی استعمالی علیه بنده بولدینی اکتلاشلمش اولمغه
داخل ولایتده آرناوودجه تدریس اولنان مکتبلرده بولساننک منحصر آحروف
عربیه ایله تعلیم اولنمی اقتضا ایده جکی بیان اولور .

معارف ناظری امره

۶ شباط سنه ۳۲۵

استخباراتمه نظراً حکومتک اشبو مسئله بی بویوله قبولی اوزرینه
آرناوود لساننک حروف عربیه ایله تدوینی حقنده تنظیم ایدلمش اولان مختلف
الفا کتابلری بالتدقیق ارباب فضل و کالندن ولسان مذکورک غوامضنه واقف
ذوآندن مناسرت مفتیسی قالداندلی رجب جودی افندیکنک تألیف ایتمش اولدینی
الفا مقصده موافق کورلمش و تدریسانک اونکله اجراسی قرار ایشدر .
مدید برطاقم مناقشات ایله اضاعه ایدیلن قیمتلی وقتلره جداً آجیرز .
هر ساعت و دقیقه من اوقدر قیمتداردر که تعریف قبول ایتز . ترقینک استرقاب
اولدینی و هرملنک دیو آدیلمیله ایلمیله بیک بر زمانده بولنیورز . بویله بر عهد
مشروطیت و عدالتده آرناوود قارداشلمزک سلم ترقینک قدمه اولیننده بولنشلرینه
جان و کولندن تأسف اولنور ایدی . فقط کندیلری حائر اولدقلری ذکاوت
مفرطه سایه سنده ضایع ایتدکاری زمانی انشاءه آرز وقت ایچنده تضمین
ایده جکلرینه امید من بر کالدر .

روسیه اسلاملری

سن پترسبورغدن عثمانیشرلویده یازدیغنه نظراً ایکی سنه دنبری
روسیه بک داخلی پولتیقه سننده مشهود اولان عکس العمل ، اوتوز
میلیونی متجاوز اسلاملر اوزرنده بر تأثیر حصوله کتیرمکدن خالی
قالمشدر . اسلاملر ، حال و موقعلرینک کوندن کونه کسب مشکلات
ایتدیکنی کورنجه بالطبع عدم خشنودی اظهار ایدیورلر .

مسلمانلری اک زیاده داکیر ایدن ، ابتدائی مکاتبک احوال
حاضره سیدر . اسلاملر هر زمان قانونه اطاعت ایدرک حرکات اختلالکارانه به
هیچ بر زمان اشتراک ایدلکاری جهته بش سنه اول بر چوق مکتبلر
کشاد ایتلرینه مأذونیت ویرلدی . بوکون اختلالجیلر مغلوب اولدقلری
جهته حکومتک اسلاملرک ایتدیکنی خدماته احتیاجی قالدی . بک واهی
بهانه لره اسلام مکاتبی سد ایدیلور . مکتبلری قیامق ایچون اک زیاده